

VIJEĆE ZA REGIONALNU SARADNJU - PROJEKAT „OMLADINSKA LABORATORIJA ZAPADNOG BALKANA“

OBUKA ZA ČLANOVE I ČLANICE REGIONALNE MREŽE EKSPERATA  
I EKSPERTICA IZ BOSNE I HERCEGOVINE

## METODOLOGIJA OMLADINSKE LABORATORIJE

30. novembar 2020, 09:30 – 13:10

### Uvod

Omladinska laboratorija u procese donošenja politika donosi jedan participativni pristup usmjeren na mlade. Ona pruža siguran prostor za mlade da na jednakoj osnovi sa donosiocima politika učestvuju i konstruktivno se uključe u razvoj, ocjenu ili reviziju politika prema načelima zajedničkog upravljanja i zajedničke izrade, pri čemu mladi i donosioci politika dijele odgovornosti za realizaciju i upravljanje prostorom u okviru kojeg se politike sačinjavaju. Omladinska laboratorija predstavlja pristup koji donosiocima odluka pruža mogućnost da bolje razumiju stvarnost, izazove i potrebe mladih ljudi kako bi zajedno sa njima radili i zajednički osmislili nova, inovativna rješenja za goruća pitanja sa kojima se mladi suočavaju.

Ključne aktivnosti za početak omladinskih laboratorija su obuka iz metodologije omladinske laboratorije i skup na kome će se zvanično obilježiti početak rada Regionalne tematske omladinske laboratorije. Prije ovog skupa obuke će se organizovati u svakoj ekonomiji i održati na lokalnom jeziku putem ZOOM-a u periodu od 30. novembra do 2. decembra. Zvanično obilježavanje početka rada

Regionalne tematske omladinske laboratorije o nezaposlenosti mladih, čiji će rezultat biti preporuke u domenu politika za rješavanje pitanja nezaposlenosti mladih, zbog pandemije COVID-19 održat će se putem ZOOM-a 14. i 15. decembra 2020. godine. Obuke će se izvoditi na lokalnom jeziku u svakoj ekonomiji prije početka rada regionalne omladinske laboratorije. Na obuci će biti pojašnjen cijeli proces omladinske laboratorije, kao i uloga njenih učesnika i učesnica. Obuka će biti interaktivnog karaktera, uz aktivno učešće, a služiti će kao prilika da se iznesu mišljenja i prodiskutuje o pitanjima koja su relevantna za omladinsku laboratoriju i nezaposlenost mladih. Učesnici će se upoznati sa temom ciklusa, imat će praktičnu vježbu, odnosno simulaciju omladinske laboratorije i razgovarat će o važnosti zajedničkog stvaranja sa aspekta regionalne saradnje, uz aktivno učešće svih aktera.

Svi učesnici će se pridržavati uobičajenih pravila održavanja sastanaka putem ZOOM-a, pri čemu će se obuci priključiti pet minuta prije zvaničnog početka, uključiti kameru, odobriti snimanje zvučnog i video zapisa obuka, ugasiti mikrofons kada ne govore i izbjegavati bučne aktivnosti kada je mikrofons upaljen.

09:30 09:40

Uvodne napomene

Ognjen Marković, ekspert na projektu Vijeća za regionalnu saradnju „Omladinska laboratorija Zapadnog Balkana“

09:40 10:30

Uloga Regionalne mreže eksperata i ekspertica i međusobno upoznavanje

Marija Pantelić i Valentina Antić, ekspertice

10:30 10:40

Pauza



## **METODOLOGIJA OMLADINSKE LABORATORIJE**

10:40 11:25

Omladinska laboratorija:  
O čemu se radi?

Marija Pantelić i Valentina Antić, ekspertice

11:25 11:40

Povratne informacije o Metodologiji  
omladinske laboratorije

11:40 12:10

Stručno izlaganje: Nezaposlenost  
mladih na Zapadnom Balkanu

Admir Vranić, ekspert na projektu Vijeća za  
regionalnu saradnju „Platforma za  
zapošljavanje i socijalna pitanja“

12:10 12:20

Pauza

12:20 13:00

Praktična vježba/ simulacija  
omladinske laboratorije  
Tema: Nezaposlenost mladih

Marija Pantelić i Valentina Antić, ekspertice

13:00 13:10

Ocjena obuke



**METODOLOGIJA OMLADINSKE LABORATORIJE****Projekat**

Trogodišnji projekat Omladinske laboratorije Zapadnog Balkana, koji finansira Evropska unija, a sprovodi Savjet za regionalnu saradnju, koji je počeo sa radom u januaru 2020. godine, mladima pruža priliku da učestvuju u donošenju odluka. Projekat obuhvata šest ekonomija Zapadnog Balkana, i to Albaniju, Bosnu i Hercegovinu, Kosovo\*, Crnu Goru, Srbiju i Sjevernu Makedoniju, u kojima mladi čine 21,27 odsto stanovništva. Omladinska laboratorija Zapadnog Balkana omogućuje dugoročan, strukturisan, regionalni dijalog omladinskih organizacija i nacionalnih administracija usmjeren na to da se zajednički osmisle politike kojima će se povećati učešće mladih u donošenju odluka kako bi se, kroz različite vrste aktivnosti, poboljšalo ukupno društveno-ekonomsko okruženje i mobilnost mladih u ekonomijama Zapadnog Balkana.

Projekat Omladinska laboratorija Zapadnog Balkana sastoji se od četiri uzajamno povezane komponente:

1. Mapiranje politika koje se bave mladima i utvrđivanje postojeće podrške i nedostataka u pogledu finansiranja aktivnosti koje se odnose na mlade na Zapadnom Balkanu
2. Omladinske laboratorije Zapadnog Balkana
3. Jačanje nacionalnih savjeta mladih na Zapadnom Balkanu
4. Učešće mladih sa Zapadnog Balkana na regionalnim i međunarodnim skupovima

**Mehanizmi Evropske unije za dijalog sa mladima i rješavanje pitanja nezaposlenosti mladih**

**Dijalog Evropske unije sa mladima:** Evropska komisija sprovodi dijalog EU sa mladima kao konsultativan i zajednički kreativan proces čiji je cilj da se poveća saradnja sa civilnim društvom i da se dobiju informacije od mladih ljudi. Dijalog Evropske unije sa mladima predstavlja alat uzajamne komunikacije mladih i donosilaca odluka. Dijalog EU sa mladima omogućuje platformu za mlade ljude da oblikuju evropske politike i sprovedu prioritete koji proizilaze iz saradnje u domenu evropske politike za mlade. Konsultacije se u svakoj zemlji članici obavljaju na svim nivoima, a proces se sprovodi tokom 18 mjeseci. Konferencija Evropske unije o

mladima glavni je događaj vezan za ovaj proces i organizuje ga zemlja članica koja predsjedava Unijom.

**Garantni fond za mlade (Youth Guarantee):** Garantni fond za mlade, koji je Evropska komisija pokrenula 2013. godine, predstavlja političku obavezu koju su preuzele sve zemlje članice Evropske unije da svi mladi ljudi do 25 godina starosti dobiju kvalitetnu ponudu za posao, dalje školovanje, pripravnički staž ili praktičnu obuku u roku od četiri mjeseca od prestanka formalnog obrazovanja ili gubitka radnog mjesta. Evropska unija ovim instrumentom pokušava da riješi pitanje nezaposlenosti mladih. Svaka zemlja članica ima svoj specifičan nacionalni program Garantnog fonda za mlade. Aktivnosti obuhvataju odrađivanje pripravničkog staža u lokalnom preduzeću, praktičnu obuku koja obuhvata kombinaciju radnog iskustva i časova teorije, ponude za posao, finansiranje za tek osnovana mala preduzeća (startapova) ili samozaposlene i kurseve obuke.

**Ekonomski i investicioni plan Evropske unije za Zapadni Balkan:** U oktobru 2020. godine Evropska komisija je usvojila Ekonomski i investicioni plan za Zapadni Balkan, koji, što je veoma važno za mlade ljude, sadrži Glavnu inicijativu 10 – Garantni fond za mlade (Youth Guarantee). Ovim planom Evropska unija od vlada Zapadnog Balkana traži da sprovedu ovu inicijativu, odnosno Garantni fond za mlade u skladu sa Garantnim fondom za mlade Evropske unije, u sklopu čega bi u različitim fazama mogli imati koristi od podrške Evropske unije. Sprovođenje pomenute inicijative trebalo bi da se odvija u četiri faze, koje obuhvataju 1) plan sprovođenja, 2) pripremni rad, 3) pilot fazu i 4) postepenu, odnosno generalno primjenu fonda. Na Zapadnom Balkanu je samo Sjeverna Makedonija realizovala Garantni fond za mlade.

\* Ovak naziv ne prejudicira stavove o statusu i u skladu je sa Rezolucijom Vijeća sigurnosti UN-a 1244/1999 i Odlukom Međunarodnog suda pravde o kosovskoj deklaraciji o nezavisnosti.

